



Concello de Vigo

D^a. OLGA ALONSO SUÁREZ, CONCELEIRA-SECRETARIA DA XUNTA DE GOBERNO LOCAL DO CONCELLO DE VIGO

C E R T I F I C O: Que a Xunta de Goberno Local, na sesión ordinaria do 15 de febreiro de 2018, adoptou o seguinte acordo:

15.- PRÓRROGA DO CONTRATO DO SERVIZO DE ATENCIÓN AO PÚBLICO EN DEPENDENCIAS DA REDE DE MUSEOS MUNICIPAIS DE VIGO. EXPTE. 2099/341.

Visto o informe xurídico do 29/01/18 e informe de fiscalización do 06/02/18, dáse conta do informe-proposta do 23/01/18, asinado polo xefe de servizo de Museos Municipais, o xefe servizo de Xestión e Promoción Cultural, o concelleiro-delegado de Cultura e polo concelleiro-delegado de Orzamentos e Facenda, que di o seguinte:

LEXISLACIÓN APLICABLE.

- RD Leg 3/2011, de 14 de novembro, polo que se aproba o texto refundido da Lei de Contratos do Sector Público. TRLCSP
- RD 1098/2001 Regulamento Xeral da Lei de Contratos das Administracións Públicas.
- RD Leg 781/1986, de 18 de abril, texto refundido das disposicións legais vixentes en materia de Réxime Local.
- Lei 57/2003, de 16 de decembro, de medidas de modernización do goberno local.
- RD Leg 2/2004, de 5 de marzo, por el que se aproba o texto refundido da Lei Reguladora de Facendas Locais.
- Lei 5/1997 de 22 de xullo de Administración Local de Galicia.

ANTECEDENTES

1. A Xunta de Goberno Local con data 13 de agosto de 2015 acordou (expte. 936/341):

"Adxudicar á SERVICIOS SECURITAS, S.A., o procedemento aberto para a contratación dos servizos de atención ao público en dependencias da rede de museos Municipais (expediente 936-341) cunha redución porcentual dos prezos unitarios de horas de prestación do servizo de atención ó público, previstas no apartado 3.F da FEC así como do prezo do servizo de coordinación e organización do servizo previsto no apartado 3.A da FEC do 35. (%).

Todo iso de acordo cos pregos de prescricións técnicas e de cláusulas administrativas particulares aprobados por acordo da Xunta de Goberno e a oferta presentada."

2. Con data 9 de setembro de 2015, asinouse o contrato administrativo entre o Concello de Vigo e a mercantil SERVICIOS SECURITAS S.A. polo que esta empresa "comprométese á execución do servizo de atención ao público en dependencias da rede de museos con estricta suxeición ó prego de cláusulas técnicas e administrativas aprobados polo Concello, documen-



Copia auténtica do orixinal - Concello de Vigo

Data impresión: 20/02/2018 08:28

Páxina 1 de 4

Expediente 2099/341

CSV: 2CE34-5EAD4-D42C8-24B4A

Pode validar e/ou obter copia electrónica do documento utilizando o código QR da esquerda ou o código de verificación na dirección da sede electrónica <http://www.vigo.org/csv>

to contractual que acepta plenamente e do que deixa constancia asinando a súa conformidade".

3. "O contrato terá unha duración de dous anos, comezando a prestación o día 16 de setembro de 2015. Contéplanse dúas prórrogas de un ano de duración cada unha.

4. A porcentaxe de redución da adxudicataria fora do 35% respecto aos importes de licitación (798,420,60 €) polo que o prezo máximo polo que se subscribiu o contrato para as dúas anualidades é de 518.973,39 €, que se distribúen do seguinte xeito: 75.683,62 € do 16 de setembro ao 31 de decembro de 2015; 259.486,70 € xaneiro-decembro de 2016 e 183.803,08 € do 1 de xaneiro ao 15 de setembro de 2017.

5. Con data 20 de abril de 2017 a Xunta de Goberno Local acordou aprobar a primeira prórroga do contrato (16 de setembro de 2017-15 de setembro de 2018) de servizos de atención ao público en dependencias da rede de museos municipais que fora solicitada con data 09/02/2017, por D. Antonio López González, apoderado, en nome e representación da mercantil SERVICIOS SECURITAS SA.

5. Por escrito de entrada no Rexistro Xeral, nº 170018774 de data 09/02/2017, D. Antonio López González, apoderado, en nome e representación da mercantil SERVICIOS SECURITAS SA. acepta e está conforme nas condicións establecidas para a prórroga do contrato, en resposta a comunicación do concelleiro-delegado de Cultura de data 6 de xaneiro de 2017.

6. Con data 5 e 9 de xaneiro de 2018 D. Antonio López González, apoderado, en nome e representación da mercantil SERVICIOS SECURITAS SA, presenta escritos no Rexistro Xeral do Concello (docs 180001794 e 180006247, respectivamente) nos que manifesta que acepta e está conforme coas condicións establecidas para a prórroga do contrato de servizos de coordinación e atención ao público, nas dependencias da Rede de Museos Municipais, expte 936/341 que sería a segunda e última prórroga prevista no contrato e PCAP, para o período 16 de setembro de 2018 a 15 de setembro de 2019.

7. Consta no expediente resolución do concelleiro-delegado da Área de Cultura, de data 22 de xaneiro de 2018, dispoñendo que se proceda a instruír a prórroga do contrato por ser necesario continuar coa prestación do servizo da empresa contratada para a execución dos devanditos traballos co persoal cualificado para a execución dos mesmos e cos resultados satisfactorios acadados.

8. Esta xefatura informa que a empresa SERVICIOS SECURITAS ten cumprido satisfactoriamente con estipulado no citado contrato, nos pregos técnicos e PCAP, desenvolvendo correctamente as obrigas encomendadas, sin que se teñan producido incumprimentos pola súa parte. Tampouco se teñen recibido queixas de usuarios ou dos técnicos responsables dos diversos centros da rede de museos onde se realizan os servizos. Por tanto as prestacións contractuais que desenvolve a empresa realízanse de forma adecuada e satisfactoria conforme aos pregos.

CONSIDERACIÓNS XURÍDICAS



Copia auténtica do orixinal - Concello de Vigo

Data impresión: 20/02/2018 08:28

Páxina 2 de 4

Expediente 2099/341

CSV: 2CE34-5EAD4-D42C8-24B4A

Pode validar e/ou obter copia electrónica do documento utilizando o código QR da esquerda ou o código de verificación na dirección da sede electrónica <http://www.vigo.org/csv>



Concello de Vigo

1.- Regula o art. 303.1 do TRLCSP, respecto á duración inicial dos contratos de servizos, que os mesmos no poderán ter un prazo de vixencia superior a catro anos, se ben poderá preverse no contrato a súa prórroga por mutuo acordo das partes antes da finalización daquel, sempre que a duración total do contrato, incluídas as prórrogas, non exceda de seis anos. No caso de que a duración inicial fose inferior a catro anos, as prórrogas non poderán exceder, aislada ou conxuntamente, do prazo fixando orixinariamente.

2.- En línea co anterior, o art. 23.2 do TRLCSP, establece que o contrato poderá prever unha ou varias prórrogas sempre que as súas características permanezan inalterables durante o período de duración de éstas, e que na concorrência para a súa adxudicación realizouse tendo en conta a duración máxima do contrato, incluídos os períodos de prórroga. Así mesmo, a prórroga acordarase polo órgano de contratación e será obrigatoria para o empresario, salvo que o contrato expresamente prevea o contrario, sen que poida producirse por consentimento tácito das partes.

3.- Neste senso, a cláusula 4ª do contrato asinado con data 9 de setembro de 2015 establece o comezo da prestación o día 15 de setembro de 2015 e que se contemplan dúas prórrogas dun ano de duración cada unha, como a cláusula 7 do Prego de Cláusulas Administrativas Particulares e apartados 4.A) e 4.C) das FEC, establecen que o presente contrato terá unha vixencia de dous anos naturais, prevéndose a posibilidade de dúas prórrogas dun ano de duración cada unha, previo acordo expreso da Xunta de Goberno do Concello de Vigo, e que o contratista non se opoña a mesma cunha antelación de cinco meses respecto do vencemento do contrato.

4.- O expediente de prórroga do contrato iniciárase polo órgano de contratación conforme o previsto no art. 109.1 do TRLCSP, estando delegada no Concello de Vigo esa competencia por acordo da Xunta de Goberno Local de 19/06/2015 nos concelleiros delegados de Área. A tal fin consta no expediente resolución do concelleiro da Área de Cultura de data 22 de xaneiro de 2018 autorizando o inicio deste expediente de prórroga do contrato.

5. Conforme ao previsto no art. 109.3 deberá incorporarse o certificado de existencia de crédito e a fiscalización previa da Intervención Xeral nos termos previstos na lei 47/2003, de 26 de novembro, Xeral Presupuestaria.

6.- A competencia para a resolución do presente expediente e aprobación do gasto correspondelle á Xunta de Goberno Local, na súa calidade de órgano de contratación de conformidade ao art. 110.1 do TRLCSP.

7.- A segunda e última prórroga anual do contrato será dende o 16 de setembro de 2018 ao 15 de setembro de 2019 e o seu importe máximo é de 259.486,70 €; correspondendo 75.683,62 € ao exercicio 2018 (66.135,90 € por servizos xerais de atención ao público e 9.547,72 € por servizos de coordinación) e 183.803,08 € ao exercicio de 2019 (160.615,76 € por servizos xerais de atención ao público e 23.187,32 € por servizos de coordinación).

Á vista do exposto, ante a necesidade de continuar coas prestacións ás que se refire o presente expediente de contratación, en beneficio e defensa dos intereses municipais, previo informe da Intervención Xeral, co informe da Asesoría Xurídica do Concello de Vigo, co confor-



Copia auténtica do orixinal - Concello de Vigo

Data impresión: 20/02/2018 08:28

Páxina 3 de 4

Expediente 2099/341

CSV: 2CE34-5EAD4-D42C8-24B4A

Pode validar e/ou obter copia electrónica do documento utilizando o código QR da esquerda ou o código de verificación na dirección da sede electrónica <http://www.vigo.org/csv>

me do Xefe do Servizo de Xestión e Promoción Cultural, do concelleiro-delegado da Área de Cultura e mailo concelleiro-delegado da Área de Facenda e Orzamentos, faise á Xunta de Goberno Local a seguinte PROPOSTA:

"PRIMEIRO.- Aprobar a segunda e última prórroga do contrato de servizos de atención ao público en dependencias da rede de museos municipais de Vigo (expte. 936/341), polo período dun ano, é dicir, dende o 16 de setembro de 2018 ao 15 de setembro de 2019, polo importe máximo total de douscentos cincuenta e nove mil catrocentos oitenta e seis euros con setenta céntimos (259.486,70 €), ive engadido.

SEGUNDO.- Aprobar o gasto por importe máximo total de douscentos cincuenta e nove mil catrocentos oitenta e seis euros con setenta céntimos (259.486,70 €), ive engadido, ive engadido, a favor de **SERVICIOS SECURITAS S.A** (CIF A28966800), con cargo á partida 3330.227.99.05 "Servizos de atención ao público", do cal corresponden:

- ao exercicio económico de 2018, 75.683,62 € (66.135,90 € por servizos xerais de atención ao público e 9.547,72 € por servizos de coordinación) e
- ao exercicio económico de 2019, 183.803,08 € (160.615,76 € por servizos xerais de atención ao público e 23.187,32 € por servizos de coordinación) .

TERCEIRO.- Notificar o presente acordo ao adxudicatario e publicar este no perfil do contratante do Concello de Vigo".

Acordo

A Xunta de Goberno local aproba a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo a data da sinatura dixital.

CCA/me

V. e Pr.
O ALCALDE,
Abel Caballero Álvarez.



Copia auténtica do orixinal - Concello de Vigo	Data impresión: 20/02/2018 08:28	Páxina 4 de 4
Expediente 2099/341	CSV: 2CE34-5EAD4-D42C8-24B4A	
Pode validar e/ou obter copia electrónica do documento utilizando o código QR da esquerda ou o código de verificación na dirección da sede electrónica http://www.vigo.org/csv		